

أَيُّهُمْ يَكْفُلُ مَرْيَمَ!



(نصوص شعرية)

رانيا سنوسي

تَقْدِمَةٌ..

يا أَيُّهَمَّ..
أَيْنَاكَ فِي، وَأَيْنَ هُمْ؟!

يا كُلَّهُمَّ..
لَمْ حِينَ جِئْتُكَ كُنْتُ «أَنْتَ»؛ فَكَنْتَهُمْ!!

يا بَيْنَهُمَّ..
مَنْ لِي بَيِّنٍ، حِينَ أَضْحَيْتَ الْهُيَّيَّةَ؟!
هَا أَنْتَ جِئْتَ، كَمَا أَتَيْتُكَ مِنْ ضُلُوعِ الْآدَمِيَّةِ!

يا «مَرِيمَ الْعِذْرَاءِ»، يَا جِذْعَ النَّخِيلِ
فُضِّي بَرَاءَةً صَمْتِنَا، أَنْتِ الدَّلِيلُ
نَجْدَانِ.. بَيْنَهُمَا صِرَاطٌ مِنْ رُجُوعِ
ظِمَآنٍ.. يَشْكُو دَاءَهُ؛ أَنْ لَنْ يَجُوعَ
لَا تُسَمِّنُ الْأَشْعَارُ، أَوْ تُغْنِي الدُّمُوعُ

لَا تَبْكِي حَرْفًا، لَا تَخَفِ
لَا حَرْفٌ يُبْكِي؛ فَلْتَكْفِ


لَا أَنْتَ مِلْتَ، وَلَا تَرَكْتَ الْقَلْبَ فِي سِحْرِ الشَّغَفِ!

أَحْمَرُ الرَّحِيقِ..

إهداء

- إلى..
 - ابن أبي تمام؛
أَمَنْ بِي حِينَما كَفَرَ الجَمِيعُ؛ فَكُنْتُ صَراطاً لَه مُستَقِماً.
 - خلود الجارحي؛
أَشْرَقَتْ بَدَاخِلِي، وَأَهْدَتَنِي وَرِيدَها لَمَّا كان قَلْبِي رَمِماً.
 - روان عبد الواحد؛
نَسَجَتْ مِنْ ظَلالِي رَوْحاً، وَفَجَّرَتْ فِيها نَهراً كَرِماً.
 - إلى كِيانِي الَّذِي نَبَتَ مِنْ رَحِمِ نَوْرِهِمْ..
أُهدي هذا الديوان؛ «أُنْهِمُ يَكْفُلَ مَرِيمَ».
- أُمُّ الرِّحِيقِ.

أنا كُنت خايفٍ أَعِيشُ؛ فَعِشْتُ باخاف
ما حلمتش ابني قصور، ولا دنانير
أنا كنت فاكِرِ «الحَقَّ» دا شفاف
فَعَرَفْتُ جَهْلِي لما صِرْتُ كَبِيرِ.



بُحيرة البجع

* عن قصة مسرحية: «بحيرة البجع» لـ «تشايكوفسكي».

- لا تَقْرَبِيه
- الحُبُّ لَعْنَةُ عَنَتَرَة، وَجُنُونُ قَيْس
- الحُبُّ مَوْتُ بَرْزَخِي بَيْنَ إِبْثَاتٍ وَلَيْسَ!

كَانَتْ بِتَجْمَعِ حُزْنِهَا فِي قَبْضَةِ إِيْدِيهَا وَتَبْتَسِمُ؛ عِلْشَان طَبِيعِي
«الْبَالِيرِينَا» مُبْهَجَة
السَّرَّ عَائِشَ جُؤَا خَوْفَهَا
وَقَلْبَهَا صَادِقُ أَمِينٍ
حَضَنْتْ غِيَابَهُ جُؤَا كُلِّ الْحَاضِرِينَ
مَدَّتْ بَرُوحَهَا كَالْفَرَّاشَةِ؛ تَوَدِّي تَفَاصِيلَ الرِّوَايَةِ
رَفَعْتَ عِيُونَهَا؛ لَاقَتْ سِينَارِيو عُمَرَهَا عَمَّالٍ يَشَاوِرُ عَ
الْجُرُوحَ..
يَضْحَكُ؛ فَتَبْكِي..
وَيُخْتَفِي؛ تَرْتَاحُ

يرجع يعرِّي حُزنها الجُمهور!

الرَّقصة محتاجة الثَّبات
والقِصَّة قاصدة تَهْدَهَا
رَفَّت رُفَع قلب الحقيقة، بَحْتَة بايشة من الأمل
نزعت عباية الأمس، أَفْضَت لِيَّ جَايَّ
الكل مَيَّت بس، وَحْدُه فيها حَيَّ
كان صوته يَمَزَّق خُيوط اتجَمَّعت على غار حنين
والذكرى بِتَرْجِّ ف صلاية قلبها
علشان تِلين
عَمَّالة بِتنسِّل كيائها من مُروره ف دمَّها
ترفع إيديها لفوق؛ تَفُوق بِضُمَّها
تَسْقُط دموعها الماس - تَمِسُّه - فَيَنْصَهَر فيها الأداء
فتخِرُّ روحها سارِدَة، وسط التفاتة من رشاقة كُل تفاصيل
اللقاء ..

«الرَّيش بطبعُه لايُسِيء»،
بَس البَجَع مسحور برغم أَنَّهُ بَرِيء

ممکن یطیر لکن جناحہ لایزال مرہونِ بشیء!!

«اُودیت» جمیلۃ حتی تُثبت عکس ذلک، اَو تحبّ
«رُوثبارت» شرُّہ کان لآنہ حبَّہا
و«اُودیل» جریمتہا انہا حبّت غریم
(هل کُنت «سیجُفَرِید» عَلیم)؟!

الحُبّ تخدیرُہ أَلیم
الحُبّ تقدیرُہ ذَمیم
الحُبّ رِیم..
والبحر رافض یقتنع بالمعجزات
اشمعی من دون البجع
قرّرت تبقی حلَّہا
وتحلَّہا
من بین مئآت التّعویذات!

اللیل بیمنحہا سبیل لآ سبیل
بتعود لکھف ف زاویۃ الأيام ترتّب حُزنہا

وتلّف بينها وبين براءة حلمها؛

خطوة تمدّ الجسم مدّ الغيب لليل

خطوة تسيل

خطوة تميل ..

لسّا- برغم الدّمع في عيونها- بتجعل كلّ شيء فيها جميل!

مفروش يا ماضي في الجفون

مكتوب بسرّ الحبر بوعدك تهون

إزاي برغم انك فراغ؛ مسلوب جميعك- يا وحيد- قادر
تكون؟!

سمّ الإيقاع يفتّت الدّقات جُنون

--وصراع يا كل مافات صراع--

والناس مشاهد جوّاً فيلم وثائقي

داير عليك، أو ليك،

وعينك لون تاريخها مش نقي

حقّي عليهم.. حقّ فيهم.. بس عمرك زبّقي

متسرّبة كل الحالات

متسلسلة أرواح بنات
روح الي خان
روح الأمان
حتى المكان
أصبح براحه من قيود..

عَلَى الإيقاع
عَلَى الإيقاع

--وصراع يا كل مافات صراع--
ممنوع تجاهر بالدموع.. ممنوع
حفظاً للون الزيف على وجه الضحية
ممنوع تعيش «الباليرينا» غير في كادر المسرحية
فما تغزليش من حبل موتك ذكرى تانية، وتجعلني توبك كفن
وماتضحكيش للصورة بس
وجؤوا منك ١٠٠ وثن
وماتعشقيش غير البجع
وأيّاك تمدّي العين لقلب الآدمي
كل ابن آدم حُبهم لون دُمهم

وان يوم صدقتِ هَتَدَمِي
فاتنَّعِي
واتنعمي..
وسط البُحيرة وسحرها

وان يوم أتاكَ الحُب «سيجُفريد» جديد
بالله، «أوديت»..
لا تقريه!!

ما اخترتهاش

على لسان العَرَّاب: «أحمد خالد توفيق»
في رثاء جَسَدِهِ الذي فارق، ولم تفارقِ روحُهُ.

ما اخترتهاش

ولا في ما بيننا عقد حِكرٍ بالالتزام للكسر في عيونها على مَدِّ
الطريق

بئس العدوُّ صديق بَقَى، لكنَّهُ ما بَقِيَ لَكَ صديق
واسعة علينا الدُّنيا، لكن يوم ما نِعشَقها تضيق
ماشيين حياتنا مُحَيَّرِينَ
بين الوجع والانتحار!

ما اخترناهاش..

و اخترنا نبقى مُسَيَّرِينَ؛

طعم السَّكوتِ - من غير رضا - نَكِهة أَلَمٍ
راغبين عن الي راغب فينا «رَغَم»
مَساكين قلوبنا، ومحتاجين الدَّعم

شَحَّات ... بِيَسْنِدِ أَعْمَى،
عَكَازُهُ: أَصَم
كَانَ مِينَ مُهَمِّ عَشَان تَكُونِ أَنْتَ الْأَهَمَّ!!
لَا اخْتَرْتَ اِمْتَى تَحِبَّهَا
وَلَا كَانَ رَصِيدَهَا مِنْ جُرُوحِ الْأَمْسِ يَكْفِي بِأَيْتِهَا تَضَحَّكَ بِجَدِّ

مَا اخْتَرْتَهَا ش
وَلَا حَدَّ عَمْرُهُ اخْتَارُهُ حَدَّ
تَايِهِ فِي نَفْسِ السَّكَةِ، لَكِنْ بِاخْتِلَافِ التَّأْوِيلَاتِ
نَفْسِ الْوَشْوَشِ،
نَفْسِ الْقَصَصِ.

مَفْرُوضٌ عَلَيْكَ الْإِحْتِفَازُ بِبَوَاقِي رَوْحِكَ فِي الرِّسَالِ، بَسَّ
دُونِ الْبَحْثِ عَنْ مُرْسِلِهَا
سَهْلُ الْوَصُولِ،
بَسِ الصَّعُوبَةُ فِي وَصْلِهَا
احْضَنْ دُمُوعَكَ بَيْنَ كُفُوفِ الصَّالِحِينَ
أَهْرَبْ خِلَالَهَا، رَبِّ صُدْفَةٌ قَدْ تَحِينُ
غَمَضُ ذِكَاكَ لَا جِلَّ مَا تَبْصُشُ لِفَوْقِ

بطلّ تخاف لو يوم نِسيت،
واياك تبطلّ يوم تفوق

ما تقولش ليه اخترتها
ما تقولش ليه ما اخترتهاش
بعض الحياة بنعيشها «حلم» ف لحظة احنا ما عشناهاش

آسف يا «نَفسي» عن غبائي وِسطهم
آسف يا «نَفسي» بجد عني وعنهم
ما اخترتكيش «ساذجة»، ولا عرفت ابدلك
وبدلت أقصى ما في وسعي - بس - لابقى منهم،
فطلعت أقصى ما في وسعي، وبابدلك!!

«عكس انكسار الرُّوح»: ضياع
ما اخترتش أبقى للمشاع
ما اخترتش الدُّنيا متاع
أشهد بأنّ الي اشتراك، هُوَّ أوَّل مَنْ يُباع
«أشهد بأنّي مش ملاك»،

أنا طين ودمّ؛ وهما وهَمّ
أنا ذلك السُّوء الأعمّ
أنا طفل_ فجأة_ لقي العيال؛
بينادوا اسمه وقبله: «عمّ»!!

أنا عمري ما اهتمّيت اهِمّ
ذنبِي العظيم غفرانهُ اِثمّ!
لم يُستدَلَّ عليّ بِاسم
لكن هتعرّفني ف عين الخائنين
ابحث مخالب كُلِّ حِلْم؛ هتلقَى تعريفي هِنَاكَ
«أشهد بِأني مش ملاك»
ولا كُنت ديب...
ولا مرّة كنت لَكُمْ «غياب»، وعرفت اغيب!
ما اخترتِ نيش زحمة وشتات
نُصّي: بيجري في الحياة،
والباقي: عايش في المَمَات
أنا كُلِّي فَوْضَى ف ترتيبات

ما اخترتُهُمْش، ومِش بَريء
ولا عُمري يوم اخترت شيء

نَدمان، وواهب بكرة لامبارح وبَس
مَنغوز بِخَنجر «فُرصة تانية» وقلبي مش قادر يحس
عاجز عن الخوض في اللحوم، فوقعَت بينهم «كَبش عَجز»!
شايف نهايتي «ملحمية» لايقة لبداية كُتُب؛
«الله يَرَحْمُ ذا الفقيد»، النَّاسُ لا فِيهِم عَتَب!!
هُوَ الي كان عايش «يوتوبيا» مش هِنا
كان عادته يحجل في الرواية مُوهناً
كان مِننا،
لكن ماكانش شبهنا يَعني،
يَعني مش كان مِننا!

سَمُّوا الطريق باسمه ولاء
فلنحتسب مُوته ابتلاء
نِبيِّه يومين
أو أسبوعين

شهرين؟

كثير!!

انسوه بضمير

علشان ماكانش من اختياري؛ إني يوم أختار أموت

بس الحياة راودتني روعي، ولما قالت: «هيت لك»

قدّيت قميصي مُسرِّعاً

وجريت عليّ، اخترتني

ما اخترتهاش!!



بتدقّ كفّك عَ الوجع يّزید
بيدق قلبك تمنعك روحك
كاسر جناح الحلم فيك «تقليد»
مصلوب، وطُهرك ذنب لجروحك!

مش بإيدي!

مش بإيدي

مش بإيدي اختار حياتي تبقى غيرها
أو أفتَح من سوادها، وأزيد في خيرها

حظّي دايمًا

من نصيب كرايب قديمة
لو ف مرة الناس صانوها يركنوها
واحترامهم ليها لو-كرمًا- باعوها
وان طعننها العُمر-مثلا- غصب عنها
غصب عنهم بيعيبوها!

غصب عني، ف عزّ ضحكي أكون حزينه
وأما اقرّر اعيش طفولتي؛ أعيشها مسئولة ورزينة
مش بإيدي.. صعب همّي كان في سهلي

واللا أنا يعني بإيدي اخترت أهلي!
أو نصيبي كوني مش عارفة نصيبي
وانّ بعد هلاك جميعي،
من متاهتي وسط منهم
ألقي براهم حبيبي!

يا حبيبي، مش بإيدي عجز إيدي
والدموع النازحة منّي لكفّ إيدك،
لو تجسّ النبض فيها،
تلقى مجراها وريدي
والسجون الدائرة حولي، وكبّلتني
أصلها كان من حديدي
والقديم في القصّة مهما بعدت عنه
برضه هيناطح جديدي!

لو بإيدي
كنت أرسم لك بدمي رُوح جديدة
ضحكة صابحة

لوحة فاتحة
لون براءة يوم لقانا
لون «باحبك» لما كانت ليأ أولى
طعم أول «ما تغييش»، و«هاشوفك امتي»
و«أنت عمري يا حبيبي».. «لأ أنت»
طهر عيني لما بتزورها عيونك
ريجة الفرحة في حُضنك،
لما اكونك..

كان زمانك ابوها فعلا
أو أبويا
كان زمانها مش يتيمة لأب عايش
كان زماننا قاسي جدا
شاب طايش!

جيتني متأخر لكنك جيتني شامل
لاجل أو هب لك بنقصي «حُب كامل»..

كنت باجمع لك بواقى من رحيقي
وابتسم علشان تنور؛
فاقدر أقطع بيك طريقي
وامنع الحزن الي ناخر بين ضلوعي يتكشف لك

كنت كل ماليا، واهلي
كنت باهلك ١٠٠٠ مرة جوا مني؛
لاجل اكون لك - بس - أهلك!

لو بإيدي .. ما كنتش اكتب لك قصيدة تزيد في همك
كان كفاية عليا أجري لك، واضمك
كنت هابقي لك سكينه، وبيت، وماوى
واما حملك يبقى ضاعفك؛ كنت هاقوى
بس - والله - حبيبي ..
مش بإيدي!

جواب مقتول

أبيض يألون الطُّهر؛ ما تشوفيش
واسود يا نور الصَّبر، ما تكفّيش
وعمار يا أرض الله بقلب الطيبين
يا مخبيين الحُب يوم ما يبين
أنا آه عصيت ولكني م التَّابين

سَلِّم طلوعك كهربا نازل
مجروح وبرضو لا بد تَتنازل

ودموع دمائك لو نها مش شفاف
لو انت ميّت؛ خفت ليه كَتخاف!

عاشق بقلب مريض بسرطانهم
خاين جميع الخلق؟

مين صانهم!

لا بتوجعك دايمين ولا غادروا
غير بس «عَنّ» و«عَن» تزيد غدره
طب فين مصير الطير بغير نية
مطلوق في سجن الماضي؛
حُرّية!!

مكتوب في سطر البين: «نصيب مقسوم»
أخرج عن المؤلف، وبوح بالحق
أوهات قلم، واكتب كلام شعرا

قول إن مُهرة ف صحرا شافِت غول
قام حب فيها الطيبة فسجنها
تمن غوالي الذكرى بتمنها

اقطع كشاكيل الزمن بالحلم
هدّ البيان ع الجاني والمجني
والرب يكفل حُرقة المظالم

وما حَدَّ يَعْرِفُ، وَحَدُّهُ هُوَ عَلِيمٌ

انطَقَ بَقِيٍّ..

وَانزَعَ غشاوة الصَّمت

أَوْ حَتَّى قَوْلِ أَنَّ أَنْتَ يَوْمَ هَتَقُولُ..

كَانَ دَا جَوَابِ مَرْمِيٍّ فِ حَادِثَةِ قَطْرِ

فِ إِيْدَيْنِ جَمِيلَةٍ فِ وَسْطِ عَرْضِ اللَّيْلِ

مَرْسُومَةٍ لَوْحَةٍ فِ وَسْطِ دَمٍّ وَدَمْعٍ

مَتَبَسِّمَةٍ بَعْيُونَهَا بَاصَّةً لِفُوقِ

وَكَأَنَّهَا بَتَعَاتِبِ الدُّنْيَا!!

رَحِيق

زَيْدِي جَرَحِي، وَضَمَّدِي جَرَوْحَك
لَسَّا بَاضَحَك بَسَّ مِنْ رَوْحَك
قَلْبِي شَايِل ذَكْرِيَّات يَمَا
بَانَسَى كُلُّ الْكُونِ عَشَانَ: «مَامَا»

سَنَّدِينِي بَضْعَفِكَ الْعُكَاز
كُونِكَ أَنْتِ تَكُونِي دَا إِعْجَاز
لَوْ بِأَحْبُكَ مَشْ عَشَانَ بِنْتِي
أَنْتِ كُلِّ جَمَالِكَ إِنْ أَنْتِ

بُصِّي لَيَّا، وَطَبِّي خَاطِرِي
جَنْبَ مَنْي أَمَان؛ فَلَا تَخَاطِرِي
تَبْعِدِينِي فِ يَوْمٍ، وَتَنْفِينِي
مِنْ رَحِيقِكَ مَصْلِي؛ فَاشْفِينِي.

حقيقة كل قصة حُب؛
تبقى بجد في الآخر
حقيقة الناس: حالات، وحاجات
حكاياتهم: أدب ساخر!

من عيونك

_كنت فينك؟!

= كُنت بَاهَرَب مِن عُيُونِكَ

كُنت خَافَةً كَثِيرَ تَخُونِكَ؛ فَتَقَابِلْنِي فَاعْتَرِفْ لَكَ:

• إِنَّكَ أَنْتَ أَسَاسُ حَيَاتِي

• إِنَّ بَاعْشَقَ فِيكَ حَالَاتِي

• وَأَنْ فِيكَ الْمَاضِي آتِي

• وَإِنِّي بَارِتَا حَلَّكَ وَأَكُونُكَ

وَإِنِّي شُفْتُكَ بَابًا فِعْلًا

مَشَ بَاصِغَكَ بِالمُبَالِغَةِ

أَنْتَ إِيمَانِي وَثَبَاتِي

وَاللِّي فَاتَ بَاعْتَبَرُهُ «ضَلَمَةٌ»

كَانَ لَا بُدَّ أَمْرٍ بِهَا

لَا جِلْمَ اعْرِفَ حَقَّ نُورِكَ جُودًا قَلْبِي،
وَفِي كَيْانِي
وَإِنِّي لَوْ حَبِيتَ أَمْنِي الرُّوحَ بِشْيَاءٍ،
لَوْ جِيتَ أَمُوتَ؛

- هَأْمُرِ الْعَالَمَ: *سُكُوت*
- وَانْطَقَكَ قَبْلَ أَمَّا أَكُونُ
- وَاكْتَبَكَ بِحُرُوفِ جُنُونُ
- وَاحْلِفْ أَنَّكَ كُنْتَ مِنِّي وَكُنْتَ مِنْكَ قَبْلَ مَا الْأَكْوَانُ تَكُونُ
- وَإِنَّ بَيْتَكَ الدُّنْيَا جَنَّةٌ وَأَيُّ صَعْبٍ مَعَاكَ يَهُونُ
- وَأَنْتَ أَنْتَ دَعْوَةٌ دَائِمَةٌ فِي كُلِّ سَجْدَةٍ لِلرَّبِّ قَلْبِي
- وَإِنِّي -جَهْلًا- لَمَّا كُنْتُ بِأَغْيَبَ، وَأَسْيَبُكَ بَيْنَ ظَنُونِكَ..

كُنْتُ بِأَهْرَبَ مِنْ عَيْونِكَ؛
لَا جِلْمَ أَتَحَامِي فِي عَيْونِكَ!

لو كُلُّنَا..

لأ، مش هينفع كُلُّنَا

لو بَعْضُنَا شاف الحقيقة مِن هِنَاكَ

مِن عِنْد أَوَّل رُؤْيَا لَعْيُون الحبيب

مِن عِنْد أَوَّل قَطْفَةِ مِن رُوح الجِنَان

مِن عِنْد أَوَّل « ادخلوها خَالِدِينَ »...

ماكانتش دُنْيَانَا هتبقى هَمَّنَا

وماكانتش أتردّد مايبين؛

« لو كُلُّنَا » أَوْ « بَعْضُنَا » !

اللهُ غَالِبُ

باكتب ورعشة إيدي مانعاني
والدمعة سيفها يغص أحزاني

المرّة دي مش هارتكب صورة
ولا هابقى حاطط حدّ في الصورة

المرّة دي هارسلني مني إلّي
وآمنع دبيب القلب يسمحكم
القاضي بينقذ قراري عليّ
القاضي جاني ووحدني أنا ال هاحكم!!

دلوقتي قادر افصّ توب الزّيف
والعن حياتي ف مهدها المؤؤود
أنا واعى جدّا مش باقول تخاريف
كام مرّة غبت ف حضرتي الموجود؟!

هَدَّيتُ ف حِيلَ الصَّوْتِ؛ عَشَانُ عَفَّيْتُ
غَطَّيْتُ جِرْوَاحِي بِحُضْنِكُمْ؛ شَفَّيْتُ!

فَارِدَ جَنَاحَ الصَّبْرِ تَحْتَ الْأَرْضِ
عَمَّالَ بَاجِدِّفٍ مُسْتَبَاحَ الْعَرَضِ

بَاضَحَكَ عَشَانُ مَشْ عَاوَزَ ابْكِي كَلَامَ
وَابَعِدَ بَطْعَمَ الْقُرْبِ؛ هَجَرِي سَلَامَ

دَقَّ الطُّبُولَ عَ الرَّاسِ مَايِفَّرْ حَشْ
وَمَافِيشَ إِزَازَ مَجْرُوحَ مَايَجْرَّ حَشْ

قَرَّبْتُوا لِيهِ، وَقَانُونُكَوْ بَنْدَ فِرَاقِ؟!
دَايِرَةَ السَّوَاقِي عَ الْكَاسَاتِ دَوَاقِ

سَايِبَ وَرِيدِي طُوقَ نَجَا لِيْهِمْ
لَفُوْهُ رِقَابَ الْحِلْمِ.. اَللّٰهُ يَخْلِيْهِمْ!!

مليان قلوب جَوّايا مش قلبي
عَمّال بافرّق عَ الجميع حُبّي

عَمّال باوزّع في البحور أوزان
وَاروي عطش أيامي بالأحزان

منديل وَرَق، مقتول فِ حُضن دموع
بوْحُه لتجاعيد الزّمن ممنوع

شافها وهِيَّ وحيدة متسابة
طَبَطب على وِحدتها بين غابة
البرد طعمُه ذنوب
والدنيا تَوّابة
كان هُوَّ بس عيوب
لَمْ هِيَّ أَوّابه

سَلَّمها روحُه بالرّبا والدين
وهَبَتْ لَهُ روح العُمر: «مِلْك يَمِين»

كُتِبَتْ كِتَابَهَا عَ الْغِيَابِ وَالصَّبْرِ
فَكُتِبَتْ ذِكْرِي بِسَاكِنِي الْقَبْرِ!

عَكَّرَتْ نَهْرَكَ؛ رَدَّ لَكَ تَانِي
اللَّهُ غَالِبٌ، وَالْجَمِيعُ فَانِي.

إني جاهل

قَدْ عَرَفْتُ؛
إِنِّي جَاهِلٌ
وَالِي جَاهِلٌ * حَدَّ عِلْمِهِ * إِنَّهُ مَا يُبْصِّرُ لِفَوْقِ
قَدْ زَهَدْتُ ...

- مَشْ بِإِيْدِي -
بَسَّ طَوْلَ الْكَسْرِ يَجْبِرُ
وَائْتِلَافَ الدَّمْعِ يَخْدِلُ
وَالِي دَامَ حَالُهُ مَا جَاشَ
وَإِنْ رُوحَ النَّاسِ بَلَاشَ
وَإِنْ لَوْنَ الْمَلْحِ أَبْيَضَ بَسَّ قَاسِي
وَإِنْ شَكْلِي سَاعَاتِ بِيَكْبَرُ فِي انْعِكَاسِي
قَدْ جُنِنْتُ، وَقَدْ جُنِنْتُ
بَسَّ يَظْهَرُ إِنِّي رَاسِي
لَمَّا جُعْتُ لِحُضْنِ أُمِّي حَوَّلْتَنِي لِلْوَدَاعِ

لما جُعت حُضن أبويا قال لي شِدّ العُود عَليك
لما جُعت، وجُعت جدًّا
شُفت فيك ما لیس فيك
جاي تقول لي: أرتضیک؟!
آسفة إنِّي؛ قد عَرَفْتُ
إنِّي عُمری ما هابقی لیک!

خايف أوي

خايف أوي
ماهي كُلِّ أمني،
ووحدي بيها.. ونس
لو نفترق..
لأ، مش هافكر فيها.. بس

إيه اللي ممكن يرتضي يبقى لنا «بين» !!

خايف كَطَبِي يُفْتَرَسْ،
وابنه الوحيد وسط الفلا،
مادد يمينه لضهر ابنه؛ يشد أزره عَ الحياة
عمّال بيغرف من غياهب ميته
علشان بيوهب له نَجاة

خايف تحُول «ياليتني»، توئِد «لعلّ»!

ملعونة عادات البشر، لو تقتلك بصراط وَجَل
ملعونة أضغاث الوشوش الي بتضحك لك زَلل
مكتوب يا طين الّآدمي بتحن لنهايتك، عَجَل
شايف هُنالك جَتِّي
والنار بتنهش هاهنا بعض الي باقي ف جَتِّي
خايف أخطي لها برجل المعجزات، ألقي الرواية عكس ذلك،
والبطولة مُش لها
خايف عليها، ومنّها
إزاي هاعود لو كنت وحدي، وكيف أكمل دونها!

محكوم على موتك يؤجّل، بس لا يُلغى سَمَاح
معدوم بيستثمر دقائق للأشيء
مَيّت بأفّة الانتظار
مسجون برغم أنّه أساساً
فاقد الشهوة لبراح
خايف على كل الي عاشوا وصدّقوا؛ إنّ الحياة مأوى لبريء
ثابت كجذع بدون ورق؛ يحاكوا بيه ويهتدوا منه الطريق

دون التفاتٍ إِنَّهُ أَبْتَرُ،

لا وريث!

سانِدٌ عليه الكُلُّ لَكِنْ ((وَحْدُهُ ضَهْرُهُ لَا سَنِيد))

كُلُّ الْأَحَبَّةِ بِيَلْتَقُوا وَيَجْرَحُوهُ بِ«إِلَى الْأَبَدِ»!

فِيخُطُّ فَوْقَ دُمِّهِ إِلَيَّ سَالٌ مِنْ فَعْلُهُمْ: «وَحَدَّكَ هَتَفَضَّلَ لَا أَحَدٌ»..

الْكُلُّ يَطْمَنُ إِلَيْكَ

وَأَنْتَ إِلَيَّ خَائِفٌ لَا جَلَّهَا

خَائِفٌ أَوْيَ.

برغم الي ما بين قلبي وبين قلبك ضمير موصول
قواعد لعبة الدنيا بتحكم فصل كل اثنين بروح واحدة
ورغم إنك فرشت العمر سجادة نجا ووصول
ماfish في الدنيا شيء كامل؛ طبعي تكون لنا جاحدة
ورغم الرّغم في الأبيات هاخطي لك
ولو كانت خطاوي القرب في وقوعي
وقوعي في سكتك نصرة
ولو ١٠٠ دنيا من غيرك هتحييني؛
أموتها معاك،
وأيدي مشبّكة ف إيدك
وأقول يارب وحدك بس تعلمني، وقادر بيه تنجيني
إذا في الدنيا بيني وبينه برق ورعد؛ مليون بُعد
هناك يارب في الجنة
ماتحرمناش سعادة ببعض.

حاسب عليك

يا تاليت الجلسة الكريمة، ومش كريم
حلّ المقام، أو الزم التّحريم
ماتسيبش فُرصة للحضور فيّ
هيفيد بيايه القُوت لمنفيّة؟!

هاجر- بتوب مهجور- والدمعة مش لايقة
لونك سوادي و غفلتك فايقة
حاسب عليك، أنا خدت حقّي عذاب
واطلّب زيادة عشان أبان كذاب
إجرح، وخطّي عَ النزيف ضحّاك
واعلن باني كنت مَن ضحّاك
وارسم خطوط، وامشي على دونها
وارمي الليالي الكارهة مكنونها
هانّت عليك؛ فالعادي هتهونها
مش صُدفة حلوة، أن صبت مضمونها

مش نظرتك، دي بواقى لِعيونها
رُدّ الي منها، إليها.. لاتكونها
بالله كفاية: «أزاي.. وعلشانها»
بالله حرام، لاجل الي كان منها

دا مافيش ورید بيمدّ ليك غيري
كُتتكَ سُبُل؛ فَعَقَرْتُ لي عيري
جاي لي عشان اعتدت تِلْقاني!
بتقول: عليك، وادُوني، وادَّاني
كل الي شانك، حَطَّ مِنْ شاني
ماهو لَسَّا بَيْنَا الذِّكْرَى مانعاني
لونك مزيج مِنْ بحر ألواني
مدَّيت إِليه الكفّ؛ ما ادَّاني
لَمَّيت خيوطي، وعُدْتُ؛ عَدَّاني
سَلَّمْتُ رايتي صراط؛ فَعَاداني..

كأوكورديون، يِلاعِب المسافات
أو فُون قديم، مرهونَة فيه اللَفَّات

كما «ماريونيت»، تفاصيلها من جُودك
صدَّقَتْها؛ سمَّيتها موجودك
أسكبت ليك الفرحة، لم سالت
الصَّمت وارى الدمعة حين قالت:

«يا النّاجي وحدك، و السُّفن مالت..
يا أوّلي، أصبحت ليه التّالت»؟!!

بعدين هتفهم، ثُمَّ كام «بعدين»
خايفين عليك؛ ألقوك فِ قاع البحر
شافوا الغياب دعوة فقالوا: آمين
هيفيد بإيه الجلد بعد النَّحر!!

ما سَلِّمَتْش!

ما سَلِّمَتْش!!

عشان راجع

وهتخبي الوجع في عيوني كالعادة

فتعكس لمعها في عينيك؛

فتنطقها: «عيونك كلها سعادة»

ما سَلِّمَتْش

ومش هاكتب: «هتوحشني»

ماتوحشنيش - برّب الكعبة - وتتطوّل

يا آخر فرحتي،

وقبلك .. ما كانش هناك «حبيب أوّل»

يا إيماني اللي جَبّ الكُفر بالأحباب

يا حضن الأب بعد غياب

ماسلّمتش
عشان انتَ معايا، وفيّا، مش ماشي
ولو تطوي الأراضى سَفَر
مش اشتاق لك
وهاجأ لك
فِ ضحكة بصدق دَفَّتْنا
فِ كونك لينا (دَفَّتْنا)
وصرت لَعْمَرنا بداية
يا ربّ تدوم لي ومعايا
هنيئاً لي بِحُبِّ حلال
وطِب سعيّاً بذي الإحلال
وسافر قد ما تسافر
قرار فيّا، وسكن، وأمان
فبالله، ماتو حشيش
ولا تلو منيش
بإني ليه؛ ماسلّمتش.

مُحْزَنٌ أَوْيَ لَوْ شَافُوا ضَحْكَكَ فَرَحَ
فَاتَسَلَّوْا عَنْكَ بَيْكَ وَزَادُوا الْهَمَّ
فِيهِ حَاجَاتٍ مَرَارَهَا مُسْتَحِيلُ الشَّرْحِ
أَوَّلَهَا حَدٌّ مَعَاكَ وَمَشْ مُهْتَمٌ!

طَلَبَ أَخِير..

ممكن نقابل بعض لو لحظات؟!!

كان لِيَّا عندك ضحكة بفيونكات..
وبراءة؛ صعب أحِيها مِن تاني
كان ليكَ نصيب في نصيبي، وَاحزاني
جَرَحنا بعض، بلاش اقول جَرَحت
لا ارتحت لَمَّا جَرَحت، أوريَّحَت

فتعالِ نبدأ عُمرنا كَاتنين
أُقْسِم عليك بالله، وحقَّ ياسين
أو حتى حقَّ الحِلوة والمرَّة
أنا مُتَّ بعدَكَ «بيك» ٢٠٠ مرَّة
حيَّيت..؟

مش انكر انّ انا حيَّيت

لكن قضاء، واخطاء، ...

أنا استكفيت.

وحقيقي - فعلا - م الكلام ملّيت

خلّينا نَعقِدَ عَهْد «قلب وقلب»

سيبك من الي خان، أوالي حَب

يا ابن الأراضى الخَضرة، أصلك زين

يا ابن الطهارة الخالصة، والغالين

بالله كفاية القيل وبئس ال «قال»،

صُمّ الأذان، والله ما وشيتك

إنس الي فات،

وافرح،

وحب،

وعيش

علشان - وربّي - أنا عشت،

ونسيتك.

وَلَا يَهْمُكَ

وَلَا يَهْمُكَ

إصابة طفيفة مش مستاهلة تتأسف
يدوب قلبي صبح آيل لشُبْهة مُوت
وكام كدَمَة في كِتف الدَقَّة بتعكِّز في ترتيبها
هاطِبِّها
وارتَّبها

وكام بُكرة صبح عاجز
وكام تأكيد صبح جاوز
و«كام» كانت أساساً فين!!
لا كُنَّا من أولي الحُسبان
ولا فراق الخطوط بيننا دا في الحُسبان
نَزَعَت الكُلَّ من جوف القرار فيَّ، وسكَّنتك؛
فأخليتني
وملَّكت الجميع فينا

وآدي الفرحة شمتانة بتضحك وسط أحزاننا
وآدي (هنبقى) قلناها بمرار (كُنَّا)
وآه، هُنَّا
آآه.. هُنَّا

مادام هانت دموع العمر الي راح مِنَّا
وعشت ف قصة متحاطة بختام تحريف
بلاش تزيف
وهيّا أكمل التأليف
وأنا جمهورك الحاضر لمحض الضجة والتصنيف
وأنا الإيقاع بآناقي
وأنا الأدوار بهنّاتي
وأنا الكومبارس بسكّاتي
وأنا الماضي.. الي مش ممكن هيتجرأ يمدّ بعينه للآتي!

فمن فضلك
يا «دام فضلك»!!
ماتستناش افصفّض لك
وسيبني أخطي فوق نهري؛ الي لم فاض لك

وسيبني أعيش
صحيح ماعيش
وباتسول بواقي الذكرى من وجع اللي بيعدوا
صحيح كل البيوت من حلمنا؛ رملية واتهدوا
صحيح الصبح هو (احنا)
مش (انا) و(انت)..

لكن الدنيا فتانة، وحكيتنا فراق
وأصبح فرضنا نشتاق
ونرجع تاني سرب آلام
ونشرب حُبنا أوهام
ونمشي لعكسنا فينا
إيدينا مشبكة إيدينا
وعين في الجنة.. نار لينا
وصرنا اتنين
كما حرفين في مدّ «يس»
فراقنا وصال
ومهما هروبنا جال، أوصال

بِيرُطُنَا الْحَنِينِ أَوْصَال
وَنَزَعَكَ مِنْ صَمِيمِ رَوْحِي
طَبِيعِي هَيْقَتُضِي اسْتِئْصَال
يَا أَكْثَرُ مُمَكِّنَاتِ جَاءَتْ مَخَاضُ لِحَال
يَا «كَيْفَ الْحَال»
مَسَافَةٌ وَغَدَرُهَا مَا حَال
مَا تَسْتَعْجِلُشْ فِي غِيَابِي
أَنَا مَاشِيَةٌ، وَسَايِبَالِكَ بِلَادِ الْحِلِّ مَنْ عَاشَهَا
وَقَلْبِي مُتَّكِيٌّ - قَاصِدٌ - يَعَانِدُ وَهُمْ إِنْ عَاشَهَا
وَبَاقِي دَمِّي بَيْنَ دَمِّكَ
وَحُبِّي أَل ..
سَيِّبْنَا مِنْ فَاتِنَا
مَا نَالِشْ الْجَرَحَ مِنْ ذَاتِنَا

إِصَابَةُ طَفِيفَةٍ مَشَّ مَحْتَاجَةً أَزِيدَ هَمِّكَ

وَلَوْ هَمُّ الْجَمِيعِ هَمِّي ؛ فَلَا يَهْمُكَ
وَلَا يَهْمُكَ !!

لَسَا بِاضْحَكِ..

لَسَا ثَابِتَةً

ولسا باضحك

لسا بالضعف الي فيا قادرة أخلق بيّا هِمّة

بنت واحدة، لكنّي «لَمّة»

بنت كافية للمُهمّة

عارفة إيه هي الإرادة،

{بنت} = {أُمّة}

مين هيقدر

يكسر القلب الي ربّ البيت ضمّاه

أو يعطلّ سير قوافل جوا منه..

مين يهزّ ف يوم إيمانه!

لَسَا طفلة

لسا نفس اللمعة في عيوني الليالي
لسا حالي نفس حالي
باجري ع الألوان،
واحِبِّ، واعيش، وأعشق،
لسا لما الدنيا تنغز ناهيا فيّا؛
بابكي، واحكي لانغزالي
بس عُمرِي ما كنت صورة ف رُكن خالي

كنت بيت وَاوطان.. سَكينة
كنت وسط خرابكوا.. زينة
كنتوا غدر.. وانا الأمانة
إنتوا كنتوا.. لكنني باقية
باقية سيرة.. أثر.. رسالة
جسمي هيفارق مؤكِّد
بس هافضل بينكوا حالة
إستحالة ف يوم هاصدق إن فيه حاجة « إستحالة »

لو ف مرة الرجل زلّت
لسا رجلي الثانية ثابتة

كتف مايل .. غيرُه شايل
لَسَّا قادرة عليه أحمل
فُرصة ضاعت
فرصة ثانية
هاقوى،
واقدر أقوم،
وأكمل
لو ظروف الدنيا عانِدت
قلبي أصبر
لو جميع الكون عليّا
ربيّ أكبر
لو دموعي ف يوم خائتني
إيدي تمسحها، وتطبطب
ضعفي فيّا
وجرحي ليّا
« ليّا » أقرب
لَسَّا ثابتة.. وثابتة جدّا
لَسَّا هاضحك.

مُحَالُ أَصْلًا تَمُوتُ رُوحُنَا

وَلَوْ مَاتَ الْجَسَدُ - يَوْمَهَا - نَعِيشُ أَجْمَلَ بِفِرْدَوْسٍ،
وَنَحْيِيهَا

سَمِعْتُ رَسُولِي قَالَ: «طَاعَتُكَ» بُسَاطُ لِيهَا

فَأُقَسِّمُ إِنِّي فِي الدُّنْيَا هَاكُونُ جَنَّةٍ تَخْطِيهَا

وَأُقَسِّمُ إِنِّي فِي الْفِرْدَوْسِ، «ظَنِّي بِرَبِّي» هِيَ خَلِّينِي أَبْقَى
لَكَ صِرَاطٍ فِيهَا.

سيرة

- قالوا عني إيه في غيبيتي؟

=كُلَّ طَيِّب

- طَبَّ وعييتي؛ الي قسَمْتوا صُلبِ ضَهري بَنَصْلِ سيفِها؟!!

=شوف،

ما عابشِ الا القُرَيْبِ

عَمَّكَ الحَاج «اسماعيل» الي بَسَطَت الكَفَّ ليه وطَعَمَت فَمُّه،
مَدَّ كَفُّهُ التَّانِيَةَ لِيَعْرِيكَ فِي ضَعْفِكَ

و«إبراهيم» الي اذيتُهُ بدون ماتقَصَّد، يومها كان واقف فِي
صَفِّكَ!!

وَالِي تَقُلْتُ ف مِيزَانُهُ مِنْ مِيزَانِكَ.. هُوَ خَفَّكَ!

يا إلهي، نَوَّرِ الباقِي ف بَصِيرَتِي،

وَقُولْ لِي مِين سَنَدْنِي فِعْلا،

واللا مين بيحيب في سيري..

- لحظة يا بني بتبكي ليه؟!

= كنت عاوز ١٠٠ جنيه،

لأمي أحجز عند دكتور الأشعة، عندها سرطان وعملت
حادثة من أسبوع وإيدها شكلها اتكسرت يابيه
والله، ما انا عارف أكفي كسر إيدها، واللا أستر عجز إيدي،
واللا أصرف ع الكيماي؟!

واللا أعمل فيها حاوي

واللا إيه!!

والمربب ملعون

بانسل فيه لبيتي، وبيت ابويا، والعيال، وأمي، وباشحت
برضو لاجل ما اغنيهم سؤالهم...

عندي توكتوك باشتغل بالليل عليه

والي بيحييه بياخذه المترو مني،

دايرة واحنا نلف فيها،

والي ييجي علينا... نرجع نيجي تاني ف يوم عليه!

روح يابيه،

روح يابيه... خليني أبكي يمكن الدمة تهون

روحي تعبت من خناقها معايا دايماً،
خفف السكرات ياربي يا القريب
وحدك العالم بكسرة كل طيب..

- لو سمحت، ٢ حواوشي، وحطّ بالباقي طحينة
يا فريد، ماتخافش يابني عهدتك ف ايدين أمينة
=الحساب ٢٠ جنيه
*الفلوس!! كانت في جيبي
يا مُصيّتي السودا يابا، هاقول لصاحب الشركة ايه!!*

-الحق اللي هناك دا هوَّ
هائه

جبته؟

ليه سرقت العُهدَة يابني؟!
ياريتها مالي..

*مش حرامي يا ناس وربي، انا باشمهندس
بس أختي فرحها قَرَّب، والعريس جاب كل حاجة، واحنا
ماحيليتناش جنيه

عندي غيرها ٧ وُأمِّي، وابويا سابنا وراح لبنت ف سن ابنُه؛
عشان يوزّع «صبر أمِّي عليه سنينها» -زكاة - على اللي هتخلّى
بيه!

-يوم سعيد يا حبيبتى جدًّا لما سُفِتِكَ

=هات فلوس أعمل كروت

-لَسَّا دافع ١٠ للقاعة، و٦ للجاتوه، ولَسَّا المفارش

=اه، صحيح عاوزة ٣ للهدايا، والبوفيه

-طب، وقِسط الشاشة والتلاجة لَسَّا، والجهاز و الأنتريه

=مامي متضايقه عشان فستاني أرخص مِن بنات عمّاتي وُ
اختي

-هو لَمَّا كتبنا كام كان المؤخّر، يا حبيبتى

=باي، وبكرة هتيجي «بارتي»

-ايوا يا أمّا، الغي الجوازَة -مالها عازَة -إنتوا أولى بلّحم كِتفي

مِ اللي شايقة الدنيا مَال

مش شبهنا يا مَمّا خالص،

واختاري لي اللي تكون لي بيت، وتبقى امّ العيال ..

-قالوا عنه إيه فِ غيبته؟!!

=قالوا طيّب

كان قُرَيْب

كان يطيّب كل جرح، ويسقي أرض الناس بخيرُه

كان يخاف الله ف ضميرُه

كان بخيرُه، بس خيرُه كان لغيرُه

مات وهو غريب عن أهله

مات بقهرة

راح مكان راحته و سعادته،

وصُحبة طاهرة

-طب حبيته؟! -

=دمعت يومها، وبعد سنين خدوها لابن عمه

-طب، ومين شال بعده همّه

=هي أمّه، لسا يومياً بتجري للمطار؛ مستنيه يرجع لضمّتها

يبرد نار غيابه!!

لسا فاتحة ف باب أملها مكان لبابه..

لسا بتردد قصايدّه لكل طيّب

«لسا رغم فراقني حاضنك -يامّا-جوّا سجودي دعوة»

كل طيّب سيرته عايشة بعد موته
تلهم الضّعفاً بَقْوَة
والضعيف فيه أقوى منه، ضعيف لغيره بالْفُتُوَة

كُنْ لِنَفْسِكَ «تِرمومتر»، وكُنْ لغيرك كـ«المنارة»

ما تحاولُش تَشِفَّ حُزَنَكَ للغريب، أو تَشْكِي حَالَكَ
ما تَفَارِقُش الضحكة -رغما- وإكسر اليأس الي حالك
ما تصاحِبُش الناس، وإنتَ مَحْضُ آلَة عشان تَطَيِّبَ

كُنْتُ: «حاضر»،

كنت: «ماشي»،

بس فجأة لا قيتني: «غيب»!

كل «طيّب» عارف أنه: «مِش قُرَيْب»، بس «طيّب».

أَمِنْ بِالِلي سَوَّانِي.. مَا بَيْنَ قَلْبِكَ وَبَيْنَ رِئْتِكَ
وَكَانَ لِي فِي اعْوِجَاجِ صِفَتِي / قَوَامِ سَوَّاءِكَ فِي تَهْيِئَتِكَ
أَمِنْ إِنَّ أَنَا سَلَّمْتُ
وَأَدِي الِلي فِي يَوْمِ قَالَتْ « لَا يُمَكِّنُ أَحَبُّ » جَاهَهَا الِلي
خَطَفَ رُوحَهَا
وَادِينِي يَا عُمَرِي أَهْوَ عَشَقَتَكَ.

لو عشانك

لو عشانك...

كنت صِغت حروف جديدة؛ بس لاجل ما تكفي رُوحك
كُنت قُلْتَ انِّي هاكون لك كلمة السر، وشروحك
أو هابيع الكون دا بخسًا
وانسى حتى يوم ميلادي
لو عشانك..
هامحي كل ما ليس منك،
وابتديني مِ السَّاعة دي

لو عشانك..

هابني «يوتوبيا» لحنانك
والقانون يبقى أمانك
والتاريخ يوم ما اتقابلنا؛ يبقى عيد رسمي، وعلام
والنشيد الوطني -حُبًّا- من بدايته يكون سلام

يَنْتَهِي عِنْدَ:
إِنَّهُ يُحْكَمُ بِالْمُؤَبَّدِ
لِي يَخْلِفَ،
أَوْ يَكْشُرَ،
أَوْ يَنَافِقَ،
أَوْ يُوَافِقَ الْخِيَانَةَ..
يُلْعَنُ الشَّارِبُ لظُلْمِهِ،
يُلْعَنُ السَّكَابُ لَعَمْرُهُ - مِنْ غِبَائِهِ - فِي الْإِلِي سَابِ،
يُحْظَرُ الْعَايِشُ يَمَثُلُ إِنَّهُ عَايِشٌ، بَسْ مَاتَ
يُمنَعُ التَّصْوِيرُ؛ لِأَنَّهُ يُتَّبَعُ بِالذِّكْرِيَّاتِ
تُمنَعُ الدَّقَّةُ الْإِلِي تَهْرَبُ مِنْ مَعَارِجٍ فِي الْوَرِيدِ
وَالْحَنِينُ الشَّيْبُ لِمَاضِي، قَلْبُ طِفْلِ فِ فَجْرِ عِيدِ
وَالِإِلِي فَاتِ
وَالِإِلِي فَاتِ
وَالِإِلِي فَاتِ
وَالِإِلِي عَمْرُهُ مَا لِحِظَةِ فَاتِ!
لَوْ عَشَانُكَ..

كنت طمّنت الي ساكن جُوعاً قلبي يدقّ خوفاً
أو لعنت عادات ما بيننا قد تُحيلنا للنصيب
كام قتيل ماشي في بلدنا، والسَّبَب: «قد ماتَ عُرفاً»!!
كام قصيدة لما سالت ع المسارح ردّوها.. بس عَزْفاً!
لو عشانك كُنت عمري ف يوم ما اسيب

كُنت هاكتب إنك انت
-بس انت-
تستحق تكون حبيب

لو عشانك..
كُنت عُدت لِقَبْل مِنِّي، وَقَبْل مِنَّكَ
مِ البداية
من مقدِّمة الرِّواية
والتقيتكَ في الغُلاف
كنت سُفَتَكَ
كُل ما يُمكن يُشاف
لو قابلتكَ قَبْل مِنْهُمْ -يا حبيبي- كُنت عُمرِي في يوم ما اخاف

لو عشانك..
كُنت هابقي لك عشانك.

فانوس عادي

تحيّاتي

لِكُلِّ الفرّح ف عيوني الي ما عشتوش
لشكل ولادي من بُكرة الي ما شفتوش
لِصورتِي وِيّا أحفادي

لِ«مين هيصوم»؟

ومين هيرّوح معانا لمِسجد: «الهادي»؟
ومين هيوزّع «التّمّر» الي جابّه الشيخ، ويتسابقوا؛
فافوز كالعادة
وَاجري واقول: أنا البادي

«كُنّا فِتِك دي يا ماما خيال»

و«شرباتِ القطايف عال»

وصوت الخال

وضحكة «نيليّ» في الفوازير

و«بَكَار» لما كَسَرَ الزَّيْر
وأَكَلَتْنَا بدون تَحْذِير
لا مِين جَاب إِيهِ؟
ولا تَفَرِّق معَانَا بِكَام؟
يزِيد بِالْبَرَكَةِ كُل قَلِيل فِي شَهْر حَرَام
وَعَمَّ «فَارُوق» بِتَاعِ الْفُول
و«بَسْمِ اللَّهِ» تَفْتَحْ أَي بَاب مَقْفُول
و«فَاضِلْ أَدَّايَه لِسُحُور»
«وِوَحْد دَائِمِ اصْحَى يَابِيَه»
لِ«مِكَآوِي» الْي صَار إِفِيَه
و ١٠ جَنِيَه
زَبَادِي وَعِيش
وَهَات بِالْبَاقِي لِيكَ قَرَايِش
يَا أَجْمَل لِحِظَةِ يَا تَرَاوِيح
يَا طِبَّ لِكُلِّ قَلْب جَرِيح
وَجَزْءُ كُورْدِ يَوْمِيَا
نَسَبَحْ بَعْدَهَا ١٠٠
وَلَعِبَ الْكُورَةُ قَبْلَ الْفَجْرِ صَارَ غِيَّة

إِزَا زَةِ مَيِّهِ فَرَحَانَّة تَلَفَّ عَلَى الْجَمِيعِ بِالدُّورِ
وَكُلِّ مَا تَنْقُصُ الْبَرَكَةُ تَزِيدُهَا فَتَنْتَهِي بِسُحُورِ
وَطَعْمِ الْفَجْرِ لَيْلَةَ الْقَدْرِ
وَشَكْلِ الْبَدْرِ بَعْدَ الْبَدْرِ

- «فَانُوسِي اكْبِرِ»

= «فَانُوسِي اجْمَلِ»

- «هَاقُولِ لَا مَيِّ تَحْيِيلِي فَانُوسَ بَغِيرِ شَمْعَةٍ»

= «هَاتَعْمِلِ رُوحَهَا مَشْ سَامْعَةٍ»

وَفَجْأَةً، يَا تَكْبِيرَاتِ الْعِيدِ بَتْنَهِي الشَّهْرِ بِالْمَوَاعِيدِ

و«جَانَا الْعِيدِ»

و«جَانَا الْعِيدِ»

وَرَا حَ رَمَضَانَ

وَكَامَ رَمَضَانَ هَيَّيجِي عَلَيْنَا بِالْإِحْسَانِ

وَهَاتِ يَا زَمَانَ؛

بواقِي الضَّحْك من لَمْتنا في امبارح
وُخِذ مِنّا الي جاي لو كان ماهوش طارح
وُخِذ تليفوني، والتابِلَت، وآيفوني، ولعَبَة قالولي عنها فانوس
كُرومبُو، وفيل، و مَسَخ كابوس
وُخِذ ٢٠٠٠ مُسلسل fake
ورَجَّع لي «فانوس عادي» -بشمعة صحيح- لكن نورُه أَسْر
قلبي

ورَجَّع لي خِناق أُمِّي على تقصيري في الصَّلوات
و اخويا وصوتُه في التَّرتيل يزِين بالخشوع خَلّوات

وعاوِز دوشَة الزَّحمة
وُخِذ -بالله- هدوء اليُوم
حِلِمَت بِإِنِّي أَكْبَرُ يَوم
وياريتني، صَحِيت مِ النُّوم!!

باحاول أبقى إيمانك كما أنت بتبقى لي سند ونصير
باعافِر أكتشف يومي، وأنسى مافات، وإيه ممكن ف
بُكرة يصير

باجاهد والعليم شاهد

فماتسينيش

ولو يوم قُلت لك فارق، ففارق كل شيء إلّا لي
وخلي لي في ضيق كفك براح قلبك،
ولا تخلص..

هاكون ببتك
ومن دمك
و حين حُزنك هاكون همك
فِ ضعفك ابقى ليك اُمك
واكون لك ضحكتك فرحك
ويوم ما الدنيا تغدُر بيك؛ اكون صرّحك
عدوّة لكل شيء إلاك
واخبي على الجميع سرّك، عشان سترك دا فرض العين
أكون عَقْدك
واكون عَقْدك
واكون عَقْدَة مع التانيين.

محتاج أنا..

«خَبِّئْ جِرْوَ حَكَ إِن أَرَدْتَ شَفَاءَهَا»...

وَأَنَا جِيتَ اخْبِئِ الْجِرْحَ؛ غَطِيْهُ بِجِرْوَحٍ
مَبْهَمٍ فَ عَزَّ كَلَامِي، سَاكْتَ لَوْ أَبْوَحَ
حَافِي الْمَشَاعِرَ لَوْ أَقُولُ لَهُ: رُوحَ؛ يَرْوَحُ!

عَيْلٌ أَوْيَ
أَسْهَلَ حَلُولِي فِي اعْتِذَارِ
رَجُلِيًّا شَايِفَةَ الْحُفْرَةِ خَنْدَقِ..
بَسْ عَيْنِي مِنْ صِرَاطِ
وَمَا فِيشَ فِي مَرَّةٍ حَكَمْتَ خِطَّةً، إِلَّا وَمَشِيَّتْهَا اعْتِبَاطُ!!

مَادِدْ جِبِينِي لِحَبْلِ بِيَمَسَّ بَبْطِيءَ
مُحْسِنٍ لَمَنْ مَا هَوْشَ وَظِيفَةَ غَيْرِ يُسِيءَ

شايل صحابي بكتف هشة، وكتف تانية للطريق
فلاقتيني بالكتف اليمين؛ سُميت وحيد
ولاقتيني بالكتف الشمال؛ سُميت وحيد
فبقيت لِفَنّ الوحدة والشَّيل مُمتَهَن
وبقيت أعزَّ الكل، لكن أُمْتَهَن
وبقيت «puzzle»

ولا عمري مرّة عرفت عنهم أنْعَزِل
نفس الطريق
نفس الخطوط
السيف،
وقلبي،
و وِحدتي
لكنَّهُ مش نفس الوداع

المرّة دي قتلتني إيدي وهي بتشاور عليهم
المرّة دي ماعرفتش اهرب منه ليهم
المرّة دي مكتوب عليك
تضحك أوي، وتقول: غريب

السهم لما يكون بعيد
مايصيش زي ال من قريب
ما ازاي هتنطق إنه أخوك؟!

ولمين هتشكي
وأنتَ ضهرَك -لما سندهم- سائبوك
يا يتييم، وصاحب ذنب يُتمك حظّ ابوك
الكل يترحم عليك، إلّا هم الي عذبوك
أنا بس عاوز أسأل الدّم الي تلج في العروق
أنا ليه باشوفكم في الأذية بتبدعوا
لو بس قررت إني أفوق

وارد أكون آثم بظني من فسوق
وارد سبيل الفرح، فاضطريت أدوق

دا انا أي فرحة تعدّي وبتلقي السلام، باحضن إيديها باهتمام،
وكأنا عشرة سنين!!

مُجرم عشان فكّرت من حقّي أروق
ساذج، غشيم

صدّقت نفسي، وقُلْتُ نهري صار حديد
هابداً أشخبط جاف بقى، وكفاية خوفي إني أعيد
ونسيت بأن الدنيا سجن، ومهما وسعت فالنهاية لسور حديد

من فضلكم،
لحظة سكوت..

مش للحداد
أنا لَسّا عايش، بس محتاج المِداد
أنا ما أردتُ، ولن أُراد

من فضلكم..
محتاج أموت؛ حتى يَحِين العدل في القرية الفساد
أو تنسى ساعتى -المؤمنة بالمُعطيات- ظَلَم المَعاد!

محتاج أموت؛ علشان أشوفنى -مرّة- ف عيونكم مُصيب
أو يسمع القلب -الي رَانَ من كرهكم- اسمي، وموصوفه:
حبيب

محتاج أطيب

أنزل دموع شفّافة من ماس الفراق
ماعرفتش أبقالكُم عدوّ،
ولا كنتوا ليّاف يوم صديق
مابقيتش مُتقين للغات الكاذبة
مابقيتش أطيّق!!!
فسلام عليّاف، والتحيّة الطيّبة
وسلام عليه؛ اللي بدّاني بالسلام
وسلام على كُل الأنام
محتاج للحظة صدق أشوفكُم مِن بعيد

محتاج أموت
أو حتى ابطلكُم كلام
محتاج أنام!

سلامُ الله عليك بابا

بداية كل شيء بيننا طبيعي سلام
وكان طبعا سكوتي أهم من ١٠٠ بيت
لكن مضطرة إني أصوغ مشاعري كلام
وأما بعد..

أنا مش عارفة غيرك «قبل»، أو عاوزة يكون لي بعد
بعدك «بعد»

أنا والله ما شفت اللي بيننا غير أنه جنة بجد
رسمتك لوحة بالألوان؛ لقيتك صرت لي عالم
وهبتك روحي طيف حاوطك بكل مكان
فكنت طريق يسرد لي القصص أزهار،
ويكتب بين لياليًا سطور أنهار،
ومهما العمر يُقطفني، تنبت ضحكك فيا بنات بستان
أنا اخترتك عشان انت الوحيد اللي عجزت أقول في
حبه «عشان»!

فَمُرِّ في قلبي،

واتمِّلكَ

وسمِّ،

وخطِّ،

واتربِّعَ

بلا استئذان..

أنا باحبِّك، وأنتَ وبس

فهل تقبل - حبيب قلبي - مُجَرَّدَ قلب محبوبتك؛

ك «صَكِّ العَقْد» والميثاق؟!

خَلِّي بِالِك!

خَلِّي بِالِك
لَمَّا يَتَغَيَّرُ جَمَالِك
وَابْتِهَاجِك
وَابْتِسَامَتِك
لَمَّا تَحْتَاجِي لِكِرَامَتِك
مَاتَلَا قِش
أَوْ تَبِيعِي عِشَانُهُ عَمْرِك، بَسْ عَمْرِك جَنْبَ مَنْهُ مَا يَسَاوِي شِ
دُوسِي لَوْ هَتْدُوسِي فَوْقَك
مَا أَنْتِ هَتَحْيِيهِ وَجَدًّا

مَشْ هَتَفَرِّقْ مِينْ وَرَبِّي كَانَ ضَحِيَّةً
بَسْ كُلِّ الِّي هِيَوْ جَعْنِي تَكُونِي
أَنْتِ نَمْرَة ٢ فِي قَايِمَة تَرْتِيبَاتُهُ
هَذَا مُمْكِنٌ يَقْسِمُ أَنَّكَ نُورُ حَيَاتِهِ

يكتب أنّك سرّ كلماته وسكاته
بس فجأة
هتلاقيك لوحة حلوة ف بوستراته
خلي بالك
خلي كل الناس معاك،
واوعي لاجله تخلي شيء
أي ورّبي، لو تشوفي الي ف قلبي كنت اخترتيني دربك،
وارتضيتيني طريق
لسّا برضو ناوية تمشي منّي ليه؟!
لسّا عاصية؟!
لا عليك حبيتي، رُوحى..
بس رُوحى فيك راسية
خلي بالك منها جدّا
مش هاسامح مرّة أخرى
مرّة فيّا، ومرّة فيك
خلي إيدي، وياللا غادري
بس لما تمشي يعني،
خلي بالك منّي فيك..

مديتتك آمنة بوجودك
وببتك فخرها جودك
وسكنك حُضني فاطمَن
هاَمَنك فيّا، وهاَمَن
أشدّ على الجميع، وَارخي حِبالي لقلبك القَنَاص
أَموت بعيونك الأَطفال ٢٠٠ دَنيا، ولا اني أَعيش بِعيد
عَنكَ بِطَرَفِتها
يا أول حَدّ علّمها حروف الدَنيا ولُغتها
فَقُل لي: اَراي يا أستاذي..
هَتَنسَى الي مِسك إيدها، وخطّ معاها ضِحكتها؟!!

أركض برجلك..

«أركض برجلك»..

مش صُدفة فعلا تيجي بعد الضّر

القهوة حلوة بس ريقك مُرّ

والشمس باقية بس جذب الفكر بيغطي الحقايق غُربة من
غَرَب الدّماغ

و«تشايفسكي» ماكانش يقصّد إن كسّارة لبندق تبقى حلم
«كلّاراً» أو وَهم الحكاية..

-«إفْرِست» تاني؟!

=لأ، مش هنروح

-هتحبّ تاني؟!

=لأ، مش هنبوح

النّاس جميلة، بس شياطينهم صُحاب

الرُّوحَ عليلة، وقت رَدَّ الباب
الزحمة دافية لما تبقى وَحيد
والعيد سعيد، بس إنت حزين

ما بقيتش شايف إني حد جميل،
ما عرفتش أفضل لما كُنت بديل،
ما رضيتش أجيلكم، أصلي كُنت باميل!!

الزَّفَّة نايحة ع القلوب معازيم
رعيشة كفوفهم صقفة من تحريم
اخسر جميعهم، لاجل ما تخسرش
اكسر إزازك، واجرح الطُّوب الغشيم
ما تخافش منهم، خوفك انت عظيم

- «طَبَّ حَدِّ نازل غمرة يا جماعة»؟!
مين اللي جابني، أو مين هامشي؟!
المترو ضلّك، واللا نورك غاب؟!
و«متاهة» تتردّد في جوفك «راب»..

قد كُنْتَ نِعَمَ الْعَبْدِ يَا أَوَّابَ
لَا مَرَحَبًا؛ بَالِي أَذَاكَ أَوْ غَابَ

لَا مَرَحَبًا؛ بِالظَّالِمِينَ، وَاللَّهِ
سُحْقًا، لِمَنْ فِي الشَّدَّةِ يَتَخَلَّى

«وَحَوِي» يَا غَايِبَ عِنْدَ شَقِّ الْحَيْطَةِ بِتَخَبُّطِ
«إِيَّاحَا» بَاهَتْ لَوْنُهُ مَا اتَوْضَّأَشَ
«رَمَضَانَ كَرِيمَ» عِلْشَانَ زَهَقٍ مِنْ بُخْلِ فِي الْإِحْسَاسِ
«صُومُوا تَصَحُّوا»، مَا تَفَطَّرُوشَ بِالنَّاسِ
عَلَقْتُمْ أَزِينَةَ؛ عُلُقُولُكُمُ فَنُوسِ
جُؤَاكُ مَدِينَةٍ؛ وَهَدَّدُوكَ بِكَابُوسِ

«ارْكُضْ بِرِجْلِكَ»،
ثَانِي بِاسْمِهَا
بَرَّأتْ جِسْمَكَ مِنْ خَطِيئَةِ الرُّوحِ
وَعَمَسَتْ رُوحَكَ جُؤَا جُوفِ الْفِكْرِ
وَنَسِيتَ طَرِيقَكَ فَارْتَضَيْتَ بِالذِّكْرِ

وكتبت فوق قبرك: «مريض بالناس»
سبب الوفاة: حادثة مرور واردة
ونتيجة حتمًا من غباء مارّين،
بيعدوا فيهم والعقول شاردة!

البراءة الخام..

تعبان يا أمِّي، وجاي تسامحيني
جايلك وشايل فوق كتافي العمر، والذكرى، وكام صاحب
سَقَط من جيبني تطبيقًا لفكرة إننا «فترات»...
في الشَّنة دي، هتلاقى قلبي، أو بواقى م الي كان
بالله - يا أمِّي - أبدليه بأمان
بالله، خديني ورجعيني إليك، محتاج لك
أنا عارف اني كُنت عاق
ووصالي ليك كان مُعاق

أنا كُلِّي صيف ولكنِّي - يا أمّا - بارتعد

أنا جاي وبانزف لك حياة
أنا عيني بتسقط ليالي وِحدتي،
رغم الكثير الي محاوطين قصّتي

باشكيلك المُرّ الي دُقْتُهُ بعد ما قُلْتِي لي: «كُون»
«اِكْبِرْ، وعافِرْ، واجتهدْ، وابقى لنفسك عُكَّازين، وَايَّاكَ تَخُون
واجعلْ لربك مَرَجَعَكَ،
وما فيش ساعتها أي حاجة هَتَوَجَعَكَ»..
أنا باعتذر
إني اتوجعت كثير يا أُمِّي..
برغم إيماني بكُلِّ الي سَبَقُ!
حاشاكِ - يا أُمًّا - تقولي حاجة مِش قانون
لكنِّي والله ما عَزْتُ غير: بَسَّ * * * اعيش * * *
كنت اليقين، كانوا الظُّنون
كنت الثَّبات، كانوا اهتزاز
جعلوني غيب رغم الحضور
وبرغم ضلْمَةِ نفسُهم، ما عَرِفْتُش ابقى غير في نُور
أنا مين يا أُمِّي، عشان - وِرْبِّي - بَقِيَتْ شَتَات؟
صُمِّينِي يا أُمًّا، وطَهَّرِينِي مِ الي فات
مَيِّتْ وماشي في الحياة بِجهاز يُسَمَّى الذكريات
صُمِّينِي مَرَّةً بدون ما اكون تعبانِ بداء
اخواتي نَسِيُونِي، وِضَلَّتْهُم حواري الغيب، وَكَفَرُوا بالوفاء

لو كان تصرّفهم ذا عقل، فليتهم كانوا غباء

قلبي الي أخضر.. لسا أخضر، بس داكن م الي صابّه
طعنوا الجمال؛

علشان مُميّز واماّ سال الدّم منه، جُم وعابوا!!
لساني طفلك، بس عاجز اّني أفرح باللعب والبالونات
عيني بتلمع بس من فعل الدّموع
لسا طيابتي بُتتهك من تحت ظلّ الماكرين

ومازلت ساذج، أوغبي
سميها يا اماّ زيّ ما قُلتِ زمان:

«انتَ البراءة الخام في دنيا التقليدات»

«انتَ الحقيقة وسط كُوم من زيف»

«وهتفضل الضحكة ستارك،

حُزنك ثقيل، دمّك خفيف»!

-أنا عشت رُوحِي مُبصرة، لكن كَفيف

لحظة... ها حاول ما ارتكبش التشبهات
حتى المعاني يا أمي صابها التحديثات
حتى الوشوش

والتعبيرات
وبقينا نتقابل حُرُوف في الدردشات
أصبحنا حتى في اللقا أضغات بشر
أوهام يتقمص حقايق،
مش عشان حاساها، لأ
علشاننا إحنا مش شبهنا، مش هنا
أو مش هناك !

تايه، وضال، وطريقي ذاهب للإياب
غافر ذنوب الكل، لكني مُعاب
أدمنت طعم الدّمع في احضان الغياب
سامحيني أمي لو عاتبتك، أو تعبتك، أو رميت طوبتي
بطوبتك. جاهل، واخترتك ورايا... مش معايا، ومش
صحاب
كُنتيلي رحمة، وارتضيت لك بالعذاب

أنا جاي ومادد كفّ وزري بين إيديك ضارعاً
لبيك أمّي، فاقبليني طائعاً
لبيك، أسفَع الي كان
لبيك، عارف إني عُمرِي ما هاكتبك مَهْمَا خَطَطْتُ
لبيك، يوم الآهة خارجة؛ لاجل ما أبكيك صُوت
تالله، لا عاش الي يوم يجرح فِ قلبك طُهر كونك من نقاء،
والله - يا أمّي - باموت

القلب بينازع جُروح
باعرُج بروحي من حلاوة رُوح

إيدي اليمين جُواها كفّك لسا بتعدّيني، خايفة من الطّريق
إيدي الشّمال جُواها كفّه، وكفّ تانية بتطعنك فيّ مُسمّاها:
«صديق»!

عيني عليّا، وكُلُّهم عينُهُم كمجهر
من كُتر كتمة سري، خاني السرّ... أجهر
ماشي باجدف ع الشواطئ لِلا حيث
لا اخترت أنّي أبقي *أنا*
ولا يوم بقيتني، ولا اهتديت

يَا لَيْتَنِي مِتُّ وَلِيدًا،
أَوْ نَهَانِي الْعُمَرُ لَحْظَةً مَا ابْتَدَيْتَ
أَسْتَغْفِرُكَ رَبِّي، رَضِيتَ
ضُمِّينِي يَا أُمَّا ضُمَّتَيْنِ؛
«ضُمَّة» تَغْسِلُنِي طَهَارَةً مَا جَنَيْتَ،
و«التَّانِيَّة» تَعْلِنُ إِنَّ حَجْرَكَ جَتَّتِي،
وَأَنِّي فِي حُضْنِكَ قَدْ بَدَأْتُ، وَادِينِي ... يَا أُمَّا ... انْتَهَيْتَ
لَبَّيْكَ أُمِّي
قَدْ رَضِيتُكَ،
قَدْ رَضِيتَ.

لا تُصالح..

لا تُصالح،
يا أبويا، ودوس على أمي
شدي يا أمّا من عِنادك، زيدي همّي
وارموا روحي وسط دنياكم؛ لقيطة
واجعلوني محض حالة زور مقيّنة

- أنتِ بعتي
= وانتِ بعت
- أنتِ خاين
= اتخذت

انتِ وانتِ، طب و فيني؟!
لو بقيتوا مراية واحدة هتشوفوني
ورّعوا الأدوار وغيبوا، شتتوني

ضعفني كاسِرُ ضهرُهُ أبويا
كَتَفِي حَامِلُ عُمَرُ أخويا
وَأُمِّي بَيْنِي وَبَيْنَهَا رَبٌّ، قَالَ لِي رَغَمَ الْهَجَرِ: «صَاحِبْ!»
قَسْوَةَ الْأَيَّامِ كَفِيلَةً، وَاللِّي زَقَّ الْأَمْسَ هَمُّهُ، بُكْرَةَ سَاحِبِ
يَا مَرَا حِب... يَا مَرَا حِب
نَفَقَةً اِيه؟!
مُتَعَةً اِيه!!
وَالْمُوَخَّرَ أَصْلُهُ اِيه؟!
بَتَيْعُونِي بِكَامِ جِنِيهِ!!

طَبِّ قَوْلُولِي - وَالِدَيَّا - كُتُّوَا بَتَجِيُونِي لِيه؟!

مِشْ خَنَاقَةً حَدَّ خَاسِرٍ، حَدَّ فَايزِ
لَوْ مَسَابَقَةً، يَبْقَى مِنْ دَمِّي الْجَوَايزِ
«طِفْلٌ لِلْبَيْعِ» يَا جَمَاعَةَ، حَدَّ عَايزِ؟!
فَرَصَةَ حَلْوَةٍ وَبُضْمَانِ
وَالْمُقَابِلِ: بَسْ تَدُوْلُهُ الْأَمَانِ

والمكان؟!

هتلاقوهم في المحاكم، من زمان
هتلاقوهم جوا حُصن رصيف في شارع، أو ييحكوا للكباري
والحيطان

شكلهم: زيّ الفراق
صورة بايشة، وخامة قابلة لاحتراق
وزرهم: بعض اشتياق
وصفهم: «أرواح بريئة،
بس تهمتها: الطلاق»!

لا يسألون الناس..

«يَحْسَبُهُمُ الْجَاهِلُ أَغْنِيَاءَ مِنَ التَّعَفُّفِ»..

مَرَمِي عَلَى زَهْرِ الْحَقِيقَةِ وَبَاتَقَسِمَ
جُؤَايَا مَشِ فَرَحَانَ.. لَكِنْ بَابَتَسِمَ

الْأَهْلُ.. طَعَمَ الْوَجَعَ فِي صُورَةِ حُضْنِ
الْحَبِّ.. كُلُّ مُضَادٍّ لِمُضَدِّهِ يَحْنُ
الْأَبُّ.. نَفْسِي أَدَوُقُهُ قَبْلَ مَا أَمُوتُ
الْأُمُّ.. رِيحَةُ بَيْتِنَا تَحْتَ ضَغُوطِ
وَالْأَخُّ.. بَعْضُ أَرْقَامِ.. فَرُوضِ.. وَقِيُودِ

«كَانَ نَفْسِي أَكُونُ لَكَ أَخٌ مِنْ دَمِّكَ»
صَوَّبَهَا ابْنُ الْهَمِّ عَلَى قَلْبِي، وَرَمَانِي سَهْمَ مَا يَنْزَعُوشِ الْبُكَاءِ
كَانَ نَيْتُهُ الطَّبْطَبَةُ لَكِنْ شَكَاءُ!

محتاج أعيش من غير برومو الذكريات
محتاج «أمان» من غير «بكّام»
محتاج أنام..

«نَحْنُ نَرْزُقُكُمْ وَإِيَّاهُمْ»..

واثق يارب لكنّ الدنيا هَرَّاسَة
وأنا مالي كلّهُ بَنُون، والخُوجَة وَسِوَا سَة
عَمَّال باسَلِّم عَ الوشوش هَذَيَان
واهو كل «فَاضِل» بَقِت في «كَان ياما كان»!

جاهِل بطعم القِرْش بسَّ عَفِيف
حَرِّيف أُمَثِل انّ انا عَرِّيف
مِسْكِين وكافِل بيْتُهُ ١٠٠ مِسْكِين
مَلْجَأ - حِيطَانُهُ احزان - لكل حزين!
باجع بواقِيًا يَوْمَاتِي عشان أظْهر لكل الدنيا إِنِّي سَلِيم
وآدي شَرِّي كلّهُ عشان صَبَحَتْ حَلِيم!

الله أكبر
ماهو ذا اللي صَبَّرني
الله أكبر
وحْدُه ينصرني
الله أكبر
مش أذان الفجر!!
الله أكبر
البقاء لله

دلوقتي بس التمن: «ماذا عَمِلت»..
وخلاص ما فيش طبقات ولا ألقاب
غمّضت عيني وقُلْتُ: «ياااه.. ارتَحَّت»

فَصَحِيت على الدَّيَّانة كاسرة الباب!!

لِسَا بِاضْحَاكٍ

لِسَا ثَابِتَةً

ولسا باضحك

لسا بالضعف الي فيا قدرة أخلق بيا همّة

بنت واحدة، لكنني «لَمَّة»

بنت كافية للمهمّة

عارفة إيه هي الإرادة،

||بنت|| = ||أُمّة||

مين هيقدر

يكسر القلب الي ربّ البيت ضمّاه

أو يعطلّ سير قوافل جوا منه..

مين يهزّ ف يوم إيمانّه!

لِسَا طفلة

لسا نفس اللمعة فِ عيوني الليالي
لسا حالي نفس حالي
باجري ع الألوان،
واحِبّ، واعيش، وأعشق،
لسا لما الدنيا تنغُزُ نابها فيّا؛
بابكي، واحكي لانغزالي
بس عُمرِي ما كنت صورة ف رُكن خالي

كنت بيت وَاوطان.. سَكينة
كنت وسط خرابكوا.. زينة
كنتوا غدر.. وانا الأمانة
إنتوا كنتوا.. لكنّي باقية
باقية سيرة.. أثر.. رسالة
جسمي هيفارق مؤكّد
بس هافضل بينكوا حالة
إستحالة ف يوم هاصدّق إنّ فيه حاجة « إستحالة »

لو ف مرّة الرّجل زلّت

لَسَّا رَجُلِي التَّانِيَّةَ ثَابِتَةً
كَتَفَ مَايِلٍ .. غَيْرُهُ شَائِلٍ
لَسَّا قَادِرَةً عَلَيْهِ أَحْمَلُ
فُرْصَةً ضَاعَتْ
فُرْصَةً تَانِيَّةً
هَاقَوَى،
وَاقْدِرْ أَقْوَمَ،
وَأَكْمَلِ
لَوْ ظُرُوفَ الدُّنْيَا عَانِدَتْ
قَلْبِي أَصْبَرَ
لَوْ جَمِيعَ الْكَوْنِ عَلَيَّا
رَبِّي أَكْبَرَ
لَوْ دُمُوعِي فِي يَوْمِ خَانَتْنِي
إِيْدِي تَمْسَحُهَا، وَتَطْبُطِبُ
ضَعْفِي فَيَّا
وَجَرَحِي لَيَّا
« لَيَّا » أَقْرَبَ
لَسَّا ثَابِتَةً .. وَثَابِتَةً جَدًّا

لَسَّا هَاضِحَك.

شُفَتُوا المَطَرُ؟

شُفَتُوا المَطَرُ؟

نازِلٌ يَحْكِي عَنْ غِيَابِهِ وَغُرْبَتِي
عَمَّالٍ يَطْبُطِبُ فَوْقَ كَتَافِي؛ زَيِّ حُضْنِ الْأَبِ مِنْهُ
لِسَانِي بَادِعِي اللَّهِ بِجَنَّةٍ تَكُونُ لِي فِيهِ
سَبْحَانُهُ شَقَّ الْأَرْضَ بِدُمُوعِ السَّمَاءِ، قَادِرٌ يَارَبِّي تَصْطَفِيهِ

أَنَا لَا إِرَادِيًّا جَرِيتُ
يُمْكِنُ يَوْلِيَّ وَجْهَتُهُ شَطْرَ الْحَنِينِ
يُمْكِنُ تَحَسُّسُ المَطَرَةِ أَشْوَاقَنَا تَلِينَ
زَيِّ النِّهَارِ دَاكَانَ بُعَادُنَا صُورَةَ صُغْرَى الْقِيَامَةِ،
كُلُّ ثَانِيَةِ تَسْيِبٍ فِي رُوحِنَا ١٠٠ عِلَامَةٌ
زَيِّ النِّهَارِ دَاكَانَ هِنَا

بِسَ الحَيَاةِ مَتَعُودَةٍ تَسْرِقُ تَذَاكِرِي الْيَانِصِيبِ
وَطَبِيعِي لَمَّا نَدُوقُ مَرَارَةَ عَجْزِنَا بِنَقُولٍ: نَصِيبُ

وطبيعي من دونك بقيت أصداء لغيب
وآديك أخذت جميعي فيك؛ حين قُلت اغيب
شُفت المطر
حنّيت إليك
سكِت المطر
فبكيت عليك!

بلا استثناء!

«وَكُلُّهُمْ آتِيهِ يَوْمَ الْقِيَامَةِ فَرْدًا»..

بلا استثناء..

هتيجي بطولك المقسوم على عَرْضَك

بلا استثناء لحين عَرْضَك

مافيش طوابير ولا أدوار

وتلك الدار..

ماهيش لإيجار

مافيش فيها مُلوك وعبيد

ومَطْرَح رجلك الواهنة هيبَلع باقي تركيبتك بوضع الإيد

«خُذُوا هَذَا»..

باقيلك كام؟

صحابي خدوهم الحزنَة بلا استثناء
وابويا وأمي بيزقوني للإرجاء
وسامع صوتي جوايا بلا إصغاء
ومش عارف أنادي بحرف من الأذكار
باحاول أكتشف كلمات..
يارب دُعاء..
يارب دعاء!

وكالعادة
ماليش اخوات
أو العادي اني ما اعرفهمش في الزّحة
أو العدل اني ما اشملمش بالرحمة

ظلمت كثير..
ظلمت اكثر..
وآدي خصومة الدنيا.. دليل.. بدليل
هتتكّر...؟
كلُّه كان مكتوب

هتَهَرَبْ..؟
يَوْمِيذْ لَا هَرُوبْ!
مُحَامِي..؟
وَحْدَهْ لِلْمَغْلُوبِ..

كُتِبَ مَفْتُوحَةٌ فِيهَا عَيْنِينَ
مَا هَيْشَ مَوْجُودَةٍ لِلرَّؤْيَةِ
عَرَايَا وَمُسْتَوْرِينَ بِالْعُرْيِ
ضَحَايَا الذَّنْبِ وَالشَّهَوَاتِ
وَرَاكَ مَا قَدَّمْتَ يُمْنَاكَ
أَمَامَكَ هُوَ نَفْسُهُ وَرَاكَ
سَجِينَ الدَّائِرَةِ وَالْدُنْيَا
سَنِينَ هَتَعْدِي بِالثَّانِيَةِ
وِثَانِيَةِ بِأَلْفِ عَامٍ مَرُّوا

بَاقِيْلِكَ كَام؟
بَلَا اسْتِنَاء!
جَمِيعُهُمْ هَاهُنَاكَ مَرُّوا..

تَمَامَكَ تَمْ نُقْصَانِي،

لَعَلَّكَ بِيَّأَنَا تَمَّيْتُ

وَوَعْدَ أَمَامَ جَمِيعِ الْخَلْقِ - لَمَّا هَاكُون فِي يَوْمِ بَيْتِكَ -

هَاكُون لَكَ كُلِّ مَا اَتَمَّيْتُ

وَكَفَلَهَا زَكَرِيَّا.. 

تَمَّ

الفهرس

٥.....	تَقْدِمَةٌ
٧.....	إِهْدَاءٌ
١١.....	بُحَيْرَةُ الْبَجَعِ
١٧.....	مَا اخْتَرْتَهَا ش
٢٥.....	مِشْ بِأَيْدِي!
٢٩.....	جَوَابُ مَقْتُولٍ
٣٢.....	رَحِيقٌ
٣٤.....	مِنْ عَيُونِكَ
٣٧.....	اللَّهُ غَالِبٌ
٤١.....	إِنِّي جَاهِلٌ
٤٣.....	خَائِفٌ أَوْي
٤٧.....	حَاسِبٌ عَلَيْكَ
٥١.....	مَا سَلَّمْتِش!
٥٤.....	طَلَبُ أَخِيرٍ

- وَلَا يَهْمُكَ.....٥٦
- لَسَا بِاضْحَكَ.....٦٠
- سِيرَةٌ.....٦٤
- لَوْ عَشَانِكَ.....٧١
- فَانُوسٌ عَادِي.....٧٥
- مِحتَاجٌ أَنَام.....٨١
- خَلِي بِأَلِكْ!.....٨٨
- أُرْكُضْ بِرِجْلِكَ.....٩٢
- الْبِرَاءَةُ الْخَام.....٩٦
- لَا تُصَالِح.....١٠٢
- لَا يَسْأَلُونَ النَّاسَ.....١٠٥
- لَسَا بِاضْحَكَ.....١٠٨
- شَفَتُوا الْمَطَرَ؟.....١١٢
- بَلَا اسْتِثْنَاء!.....١١٤
- المحتويات.....١١٩

قراؤنا الأعزاء.. تحقيقاً لحلم التواصل بين الكاتب والقارئ ودور النشر، والاهتمام بمعرفة رأيك دائماً ننتظر أن تتواصل معنا لتقييم أعمالنا عبر الإيميل، أو عبر صفحات مواقع التواصل الاجتماعي، من أجل تحقيق حلم بناء جيل واعي ونثر بذور الثقافة بالمجتمع والمناداة بتنشئة عقول أساسها الثقافة والعلم.

مدير النشر: أسماء فخر الدين

شهرزاد للنشر والتوزيع

E-mail: shahrazadpub@gmail.com

facebook: Shahrazadpub

shahrazadpub2015

twitter: shahrazadpub

للشراء عبر صفحة البوك ستور الإلكتروني:
صفحتنا على الفيس بوك: شهرزاد بوك ستور

